



ԵՐԵՎԱՆԻ ՊԵՏԱԿԱՆ ՀԱՄԱԼՍԱՐԱՆ

Հ Ր Ա Մ Ա Ն
« 25 » 10 2017 թ

№ 184 Ը 83

ԱՌԱՐԿԱՅԱԿԱՆ ՏԱՐԲԵՐՈՒԹՅՈՒՆՆԵՐԸ ՀԱՆՁՆԵԼՈՒ, ԱԿԱԴԵՄԻԱԿԱՆ ՊԱՐՏՔԵՐԸ ՎԵՐԱՀԱՆՁՆԵԼՈՒ ՀԱՄԱՐ ՎԱՐՁԱՎՃԱՐ ՍԱՀՄԱՆԵԼՈՒ ԵՎ ՌԻՍԱՆՈՂՆԵՐԻ ՏԵՂԱՓՈԽՈՒԹՅԱՆ ԳՈՐԾԸՆԹԱՅԸ ԿԱՆՈՆԱԿԱՐԳԵԼՈՒ ՄԱՍԻՆ

Երևանի պետական համալսարանի ուսումնական գործընթացը կանոնակարգելու նպատակով, ղեկավարվելով «Երևանի պետական համալսարան» հիմնադրամի կանոնադրության 56-րդ կետի 10-րդ ենթակետի պահանջներով՝

հրամայում եմ.

1. Սահմանել, որ.

1.1 Այլ բուհերից, Երևանի պետական համալսարանի այլ մասնագիտություններից (կրթական ծրագրերից), ուսումնառության համակարգից տեղափոխվելու, ուսանողական իրավունքները վերականգնելու, միջին մասնագիտական հաստատություններից ուսումը շարունակելու, կամ երկրորդ մասնագիտություն ստանալու համար պահանջվող առարկայական տարբերությունները հանձնելու, ինչպես նաև լուծարքային շրջանից հետո սովորողների ակադեմիական պարտքերի վերահանձնումը կազմակերպվում է վճարովի հիմունքներով՝ մեկ առարկայի համար 10000 ՀՀ դրամ հաշվարկով:

1.2 Երևանի պետական համալսարանի առկա ուսումնառության համակարգից հեռակա ուսումնառության համակարգ տեղափոխվող սովորողները, տեղափոխվելու մասին դիմում ներկայացնելու օրվա դրությամբ պետք է վճարեն առկա ուսումնառության համակարգի ընթացիկ կիսամյակի համար սահմանված ուսման վարձավճարի այն մասը, որը համապատասխանում է տվյալ օրվա դրությամբ մատուցված կրթական ծառայությունների չափին (վճարման անդորրագիրը կցվում է դիմումին):

2. Սույն հրամանի մասին տեղեկացնել ԵՊՀ ֆակուլտետներին և սովորողներին:

3. Սույն հրամանն ուժի մեջ է մտնում հրապարակման պահից:

ԵՊՀ ՌԵԿՏՈՐ՝

Ա. Հ. ՍԻՄՈՆՅԱՆ